

「國家社會科學基金重大項目」

何建明 主編

中國地方志
佛道教文獻匯纂

人物卷

(78)

國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷
(78)

國家圖書館出版社

中國地方志佛道教文獻匯纂·人物卷

江西省 宜春市

重修上高縣志

清·馮蘭森修 陳卿雲等纂

清同治九年（一八七〇）刻本

仙釋志

釋曰寂滅仙曰清淨宅理虛無弗根居敬士棄於世省
煩却病毋搖爾精毋昧爾性是真妙門是大慧定道德
既誣象教亦瑩丹竈福田擾擾斬勝選佛游仙元風不
競作仙釋志

仙

敖真人失其名上高人縣北三里敖嶺爲晉敖真人得道之
所有石壇劍石丹竈存焉

名勝志

施肩吾字希水讀書五行俱下唐太和時舉進士隱於洪之

西山作三任銘大略云精氣爲物游魂爲變凡在萬物之中其所保者莫先於元氣氣住形住則神住三者既在我命在我不在於天也又集西山會真記五卷取五行正體之數每卷五篇應一氣純陽之義自號華陽真人嘗至邑之白土作淨居寺記

本康熙劉志

按淨居寺在白土爲邑九寺之一舊志肩吾列仙釋志相沿已久至道光間林志始削之蓋緣不知淨居寺記係肩吾作故也

王敖道人號浪仙入白土洞修道經年題龍居云靈刹倚山

光無塵染洞房雲籠金地暖龍噴玉泉香松竹分幽逕樓
臺聳上方蓬壺人到此僧伴遶迴廊王御史親造其洞贈
以詩云白布襴衫白布裙不羈蹤跡似浮雲而今若有青
牛跨便是當年李老君後不知所往

府志

王蒙道人嘗遊縣西麻塘市李林家林喜植牡丹一日花盛
開曰今歲花好否蒙笑曰看到子孫能幾家及見林弟德
昭以詩贈之有終朝觀草木今日遇芝蘭之句後李德昭
以時事上宋高宗皇帝書稱旨賜通直郎子孫甚盛俱如
蒙言後宿永豐觀道士知爲異人反鑰其戶次早視之不

上高縣志

卷九

仙釋

三十六

上高縣志

卷九

三

見但見椽間一絕云水須大海龍方隱木是梧桐鳳始棲
莫道男兒無去處碧霄雲外有丹梯後不復見

府志

周貫不知何許人曾留詩甘羅觀後尸解於西山將化人間
其幾歲貫曰八十西山作酒仙麻鞋繩斷布衣穿相逢甲
子君休問大極光陰不計年

舊劉志

馮觀國邵武人號無町畦道人幼警悟習儒業旣冠遊方外
刻意神仙術遇異人傳授得導引煉內丹之法凡天文地
理性命禍福之妙皆不學而精人呼之曰馮顛好吟詩一
日宿李宣鄉家放蕩不羈宣鄉叱之遂題詩云南北東西

總是家自知身命屬仙家祇因貪戀一杯酒誤却碧桃千
樹花復至市南化龍坊題詩酒樓若問先生歸去來此行
直是到天台碧桃瑤草紫芝熟到日須容醉玉盃又題詞
於櫟頭廟柱嘲風吟月揮毫染翰算來却是徒然十年狂
蕩無用買山錢假使詩高太白草書還遠勝張顛又何事
精神費盡不解作飛仙如今歸也烏巾短褐拂袖天邊向
羅浮山頂大華峯前一笑白雲萬頃青冥上鸞鶴翩翩渾
無事胡麻飴飽終日弄清泉其字真草相半尾書無町畦
後寓宜春挾術行世人或有譏其醉飲狂怪者以詩謝云

踏遍紅塵四百州幾多風月是良儔朝來應笑酡顏叟道
不相侔風馬牛又述懷詩云落魄塵寰觸處然深藏妙用
散神仙筆端間作龍蛇走壺裏常挑日月懸漫說人倫來
混世只將酒盞度流年潛修功德歸何處笑指瀛洲返洞
天紹興三十二年季春十四日端坐作偈而逝袁州守李
觀民命塑其真身於治平宮後移澄心院

釋

俱胝自婺州金華來結庵於上蔡門外龍化山開善院傳燈
錄以俱胝叅天龍天龍出一指示得悟

本舊志山川寺觀

通慧禪師嘗駐錫於上高馮村永樂院沒後有真身浮水之異居人爲建石塔宋時僧啟視之仍拱立髮長垂肩

真顛俗姓蕭義城上蕭坊人唐初五祖忍大師嗣衣鉢開講黃梅真顛時以都虞侯待坐下會五祖潛將衣鉢授六祖六祖賚衣鉢歸新州真顛從五祖座下諸名宿追之不及皆反真顛善走獨窮追至梅嶺六祖見真顛至時道旁有一巨石六祖置衣鉢於其上而身匿莽棘中真顛見衣鉢不見六祖大呼曰能大師能大師我來求法非求衣鉢也六祖始出與真顛語真顛五體投地曰乞師示我六祖遂

爲說偈真顛頓悟臨別復授以記令其遇蒙則止其處有石如沙彌頭突起土中山門趾也真顛徧覓未得歸里得諸蒙山今聖濟寺是真顛像塑祀蕭氏祠堂寢室族有大災大患禱則必免屢驗

舊劉志

按真顛法名德營上高蕭氏子出家得法嘗祈雨於雲岑嶺登高臺有應衆請留靈跡乃以所焚香布地遂生木枝葉皆香今臺畔有梵木香焉至元庚辰官造海舟河水淺不得出官民祈於師一夕水漲舟出辛巳九月示寂延祐乙未勅謚行廣通慧妙覺禪師

嘉慶劉志跋

道明禪師俗姓陳初爲四品將軍性行麗惡後至大庾嶺參
六祖祖云不思善不思惡正恁麼時還我明上座本來面
目於是大悟汗流浹背又問云上來密語還更別有否祖
云今與汝說卽非密汝若返炤密在汝邊復拜問云我欲
行道向何方去祖云汝今去逢蒙則住遇巖則止於聖濟
開山每旱邑僚士庶上蒙崖禱雨先詣聖濟開建道場然
後入洞虔禱屢獲隨車之應

舊劉志

令超禪師任上藍山鍾南平王迎至洪州任開元寺仍以上
藍名焉僧問如何是上藍本分事師曰不從干聖借豈向

上高縣志

卷九

仙釋

三九

清江志

卷九

三

萬機求曰祇如不借不求時如何曰不可拈放汝手裏

按上藍在今德義下府志載高安以唐時未析置上高

尚屬高安耳

道詮禪師宋開寶間洪師請住九峯崇福禪寺有僧問九峯
山中還有佛法也無師云有僧云如何是九峯佛法師云
石頭大底大小底小又道虔禪師上堂謂眾曰流泉是命
湛寂是身千波競動是丈殊境界一旦晴空是普賢牀榻
舊劉志

通元禪師住九峯郢州程氏子初參德山後於洞山言下有

省住後僧問自心他心得相見否師曰自己尙不見他人何可觀問罪福之性如何了達得無同異師曰絺綌不禦寒省志

道虔福州侯官人姓劉氏受石霜印記化徒於九峯後住泐潭而終諡大覺禪師塔曰圓寂景德傳燈錄

異禪師上高蒙山儒家子後家於宜豐之天寶鄉弱冠棄俗首參百丈漆桶開禪師次之荆湘見公祐禪師師爲白衣居士求挂搭度夏閱藏經見霞條紺軸腐於蠹魚白王僧盡啟其函於烈日中暴之未幾驟雨暴至寺眾怒詬師默

上高縣志

卷九

仙釋

四十一

二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

卷之九

四

祝天龍守護移時雨歇溝澮皆盈獨暴經處雨未嘗濕衆
異之呂保相聞其事給以度牒易名德易仍依祐禪師祝
髮爲僧受足具戒後參鏡山虛堂禪師問達摩西歸遇宋
雲奉使公案遂指入閩見鼓山長老皖山凝禪師數年深
造閩域凝遂付衣鉢嘗自贊云淮甸村僧無法可傳丹青
描不盡五彩亦徒然因禪直下乘當去十八灘頭浪拍天
後住浙西嘉興府澱山普光王禪寺元朝崇釋教設官總
統有亢講主奉旨南來欽聞風道首造其室相與詰難連
日因與背講華嚴亢益敬服其道大顯於吳中作小庵於

當門名以休休戶外履恆滿名達京師至元辛卯兩詔不起王公貴人多師事之願施財百萬卜地建菴以廣安衆辭不獲得劉中書府第數百楹改爲佛屋爲今休休菴高麗國王聞其名因僧寫真傳至其國繼素敬仰忽放光出舍利五色晶瑩遂請國師松崖老率衆航海遠惠衣衫請至其國不從其徒屬數輩依座下執弟子禮歷十餘年跣坐而化

舊劉志

正慧明德禪師道全字半江俗姓羅上高之曲禮里人自幼穎悟踐履明白元延祐間住持崇福禪寺初入山對伽藍

上高縣志

卷九

仙釋

四十一

神云神具五通人持五戒人傑地靈自然清泰其據室云
元亨利貞具大造化晝珠發見炤四天下要知此寶元無
價延祐以來捐衣鉢鼎建佛殿藏殿蒙堂前資堂及東庵
重樓百廢具舉以其餘貲助修橋渡接待雲水孔能靜嘗
有詩贈云西江一口吸不盡留得半江傳祖印人間定慧
由戒生龍象比音隨錫振家山見說地布金妙香不在旃
檀林金鰲坐跨超法海天華瑞落雲深深末峰嵯峨小天
竺九朶芙蓉削蒼玉去來近舍一江分青鞋布襪過從熟
人生百年當有爲理事中邊共一機五山巨眼認梁棟全